

آبونه اولق ایستینلر دائره عدلیه ده
اداره مخصوصه سنه مراجعت
ایتمیلدر

اعلانآتک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسه اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

پرشته سنجانغی بدایت محکمه سی جزا دائره سی
ریاستی سینوب سنجانغی بدایت محکمه سی جزا دائره سی
رئیس سی سلیمان فائق افندی به
سینوب سنجانغی بدایت محکمه سی جزا دائره سی
ریاستی پرشته سنجانغی بدایت محکمه سی جزا دائره سی
رئیس سی یونس محسن افندی به
کوربیجه تجارت محکمه سی ریاستی قومانوه قضاسی
بدایت محکمه سی جزا دائره سی رئیس ابراهیم ادهم بکه
قومانوه قضاسی بدایت محکمه سی جزا دائره سی
ریاستی عثمانیه قضاسی بدایت محکمه سی مدعی عمومی
معاونی محمد امین افندی به
عثمانیه قضاسی بدایت محکمه سی مدعی عمومی
معاونلکی دبره زیر قضاسی بدایت محکمه سی مدعی
عمومی معاونی رفعت افندی به تفویض بیورلش
ومومی الیم ذاتا محلف بولنمشدر.

تبلیغات

مفلس سالماسیان کرکور اغانک ایتالیا دولتی
تبعه سندن داوید یروسمالی به اولان التی یوز لیرا
دینی مقابلنده مرهون املاکک وکالت دوریه بی
متضمن اولان حجت شرعیه به ابتناء میخالیج قضاسی
بدایت محکمه سی اجرا دائره سنجه موقع مزایده به
وضع ایدلش واملاک مذکورک فروختی حقنده
بالآخره استحصال اولنان اعلامک مفلس مرقومک
وکیلی طرفندن استیناف اولندیغه دائر علم و خبر ابراز
اولندیغی حالده نظر اعتباره آلمدیغی کبی محلی دیون
عمومیه اداره سی جانبندن وضع ایدلک ایستینلان
حجز کده معاملات قانونیه سی ایفا ایدلماش اولسندن
طولانی سرد شکایت ایدلکده ومدت مزایده نک
ختامی جهتیه املاک مرهونه نک طالبی عهده سنه
سند رسمیسنک اعطاسیه اتمانک مرتهنه اعطاسی
صورتیه معاملات اجرایه نک اکالی لزومک دخی

محکمه مذکور ریاستندن بیان وافاده قلمقمده اولدیغندن
بجمله استفسار معاملیه بی متضمن امور حقوقیه
مدیریتندن اعطا قلنان مذکور اوزرینه ایجابی
انجمن عدلیه جه لدی التذکر محلی اجرا دائره سنجه
املاک مرهونه نک فروختی متضمن بر حکم و قرار
موجود اولقسزین فراغ بالوفا ایله وکالت دوریه بی
ناطق اولان حجت استناداً املاک مذکورک موقع
مزایده به وضعی اجرا قانوننک دردنجی ماده سی
منطوقنجه اعلامات شرعیه ونظامیه نک تنفیذ احکامی
وظیفه سیله مکلف اولان دائره مذکورک صلاحیتی
فوقنده بر معامله اولدیغی کبی اخیراً محکمه محلیه دن
ویریلان وسالف الذکر املاک فروختیه مرتهن
داویدک تسویه مطلوباتی حکمنی متضمن اولان اعلامک
راهن وکیلی طرفندن مرکز تجارت محکمه سنه مراجعتله
استیناف ایدلدیکی وبومأله دائره اجرا به علم و خبر
ابراز اولندیغی حالده اشبهو علم و خبر تأخیر اجرا
ایچون سند قانونی اوله میه جفندن ودیون عمومیه اداره سی
جانبندن آرانیلان مبالغک تأمین ایچون ویریلان
حجز نامه لر دخی بدل مزایده مرتهن داویدک ممتاز
اولان مطلوباتنک نصفی راده سنده اولسندن ناشی حجز
واقعک حال حاضرده حکمسزلکندن بجمله ذکر اولنان
اجرا قانوننک یکرمی بشنجی ماده سنده تأخیر اجرای
ایجاب ایتدیره چکی مصرح بولنان علم و خبر مذکورک
نظر اعتباره آلماش و حکمسزلکی حکماً تحقق ایتسی
لازم کلان حجز نامه لر کده اسباب مسروده به بناء امر
تبلیغی ایفا قلمماش اولسی مثلاً خصوصات اجرایه جه
احکام قانونیه به بالوجوه منافی کوریلان معاملات
شایان تعدیل و اصلاح اولوب بوده اجرا وظیفه سیله
مکلف اولان محکمه محلیه رئیسنه عائد اولدیغندن
ایفای مقتضاسنک جواباً محانه تبلیغی افاده قلممشدر.

محاکمات و مقدمات

قسطنطی ولدیموینی جرح ایدلکی ادعا اولنسنندن
دولایی جنایتله اتهام اولنان نیقوله ولد آپوستولک

اوج سنه مدته کورک قونلسنه دائر قره سی سنجانغی
بدایت محکمه سی جزا دائره سندن ویریلان ۹۱۹
نومرولی اعلام

کملیک قضا سنک قومله صغیر قریه سندن خدیجه نک
کیفیت قتلندن دولایی جنایتله اتهام اولنان احمد بن
مصطفانک اون بش سنه مدته کورک قونلسنه دائر
خداوندکار ولایتی استیناف محکمه سی جزا دائره سندن
ویریلان ۴۵۱ نومرولی اعلام

موصلاک باب المسجد محله سی اهالی سندن للو بن
کدادویی قتل ایدلکی ادعا اولنسنندن دولایی جنایتله
اتهام اولنان داود بن سلیمانک اون بش سنه مدته
کورک قونلسنه دائر موصل ولایتی استیناف محکمه سی
جزا دائره سندن ایکنجی دفعه اوله رق ویریلان ۱۲۸
نومرولی اعلام

اسماعیل بن تیمورک کیفیت قتلندن دولایی جنایتله
اتهام اولنان میلاسلی مصطفی بن سلیمانک اون بش
سنه مدته کورک قونلسنه دائر سرفیجه سنجانغی
بدایت محکمه سی جزا دائره سندن ویریلان ۲۸۱
نومرولی اعلام

آقوه نک غرانچارووه قریه سندن نصوح بن آدمک
کیفیت قتلندن دولایی جنایتله اتهام ایدیلان مرآنک
اون بش ورفیقی توقو بن مصطفی و سلیمان و عبدول
واسلامک اوجر سنه مدتلرله کورک قونلرینه دائر
سنیچه سنجانغی بدایت محکمه سی جزا دائره سندن
ویریلان ۱۴۷ نومرولی اعلام

قبطی ادریسی قتل ایدلکی ادعا اولنسنندن دولایی
جنایتله اتهام اولنان قبطی ابراهیم بن رمضانک اون
بش سنه مدته کورک قونلسنه دائر قوصوه ولایتی
استیناف محکمه سی جزا دائره سندن ویریلان ۳۵
نومرولی اعلام

اشتبک بکرلی قریه سندن شعبان بن حسینی قتل
ایدلکی ادعا اولنسنندن دولایی جنایتله اتهام اولنان
بکچی حسین بن ابراهیمک اون بش سنه مدته کورک
قونلسنه دائر قوصوه ولایتی استیناف محکمه سی جزا
دائره سندن ویریلان ۱۶۳ نومرولی اعلام

شار کوبلی قوزمه ولد یوانی قتل ایلدیکي ادا اولمستندن دولای جنایتله اتهام اولسان سلیمان بن یوسفک اون بش سنه مدته کورکه قوتلسته دایر کلبولی سنجانی بدایت محکمه سی جزا دایره سندن ایکنجی دفعه اوله رق ویریلان ۳۱۲ نومرولی اعلام استانکوبلی احمدی جرح و قتل ایلدیکي ادا اولمستندن دولای جنایتله اتهام اولسان چامورچی اوغلی حسنک اون بش سنه مدته کورکه قوتلسته دایر بولی سنجانی بدایت محکمه سی جزا دایره سندن ویریلان ۵۰۳ نومرولی اعلام محکمه تمیز جزا دایره سنجه تصدیق اولمشدر .

درسعادت جنایت محکمه سندن تنظیم واعطا قتلان اعلامدر :

اوجوز اون سکر سنه سی شاپنک اون ایکنجی کیجه سی شیه قضاسته نابع یکی کوی یوقاری محله سند مسکرات فابریقه جیسی پایا دیمتری اوغلی آپوستولی قورشولنه باشند جرح ایلدیکي اداسیله مظنون علیه اولان وشیللی بولنان محل مذکورده یکی کوی محله سند ساکن وکره میدجی اولدیفنی سولیان اوتوز بش باشند یوان ولد خرسونک جنایتله اتهامه و مرقومی ضرب ایتمستندن ناشی مظنون علیه اولان مرقوم آپوستولک دخی جنجه فعلیه لزوم محاکمه سنه دایر هیئت اتهامیه دن تنظیم قتلان مضبطه ایله استیناف مدعی عمومیکسک ۱۳ مایس سنه ۳۱۹ تاریخی اتهامیه سی اوراق مترقره سیله معاً محکمه جنایتله تودیع قلمغله بالمطالعه تفصیلاتی اولبایده طوتیلان ضبطنامدن مستبان اوله جی اوزره اصول محاکمات جزائی قانونک باب نایسنک فصل رابعده محرر اولان معاملات ابتدایه بعدالایفا اوجوز اون طقوز سنه سی جزیرانک اون بدیخی کونی مرقوم علی الاصول توقیفخانه دن کنوردیه رک وکی آرین زلیجیان افندی واستیناف مدعی عمومی معاونلرندن عزرتلو ادمم بک ایله مظنون علیه آپوستول حاضر اولدقلری حالده محاکمه علنیه اجراسنه بالابتدار مرقوم ایله وکیلنه لازم کلان خطارات قانونیه ایضا قلندقدن صکره هیئت اتهامیه مضبطه سیله اتهامیه ضبط کابی فرید بک طرفندن قرائت اولندی .

مذکور مضبطه ده مظنون مرقوماندن یوانک آپوستولی قتل قصدیه جرح ایتش اولمستندن طولای اتهامیه اوراق تحقیقه ده محرر اخبارات ومعاینه راپوری مندرجاتی کافی کورلش وحرکتی قانون جزایک یوز سکسانجی ماده سی حکمتی مستلزم افعال جنایتیه دن بولنش اولدیفندن مستطلق قرارنامه سنک استیناف مدعی عمومیکسک مقامندن وقوعبولان طلب

وجهله جهت تطبیقه سندن فسخیله ضرب ماده سندن جنجه درجه سندنه لزوم محاکمه سنه قرار ویرلش اولان آپوستول ایله برلکده درسعادت جنایت محکمه سندنه محاکمه لری اجرا قلنمق اوزره یوانک جنایتله اتهامیه قرار ویرلدیحرر و اتهامیه ده مستطلقکجه لزوم محاکمه سنه قرار ویرلش اولان آپوستول ایله برلکده محاکمه لری اجرا قلنمق اوزره مرقوم یوانک اولوجهله اتهام ایلدیکي مسطر در .

اتهامنامه نک مندرجاتی جانب ریاستندن تعقیب وتوضیح ومعاون مومی ایله طرفندن دخی دعوانک تشریح ایلدیسنی معقب مرقوم وظنون سولتدیرلکده بولاردن مرقوم یانیک میخانه سنه کیدوب عسرت ایدرک میخانه جینک حسابی قطع ایله خانه سنه کیمک اوزره الی بلنه صوقدیفنده طبایحه سی راست کلکله برقصا چیقمسون دیو طبایحه سندنه کی فشنکری میخانه درو نده انداخت ایتدیکي وبعده کیدوب خانه سندنه یانیدیفنی ویرمدت صکره ضابطه مامورلری کلرک کندوسنی خانه سندن آلب کورتورکاری وکندوسی کیمسه یی جرح ایتماش ایدوکنی وظنون علیه آپوستولک کندوسنه توقات اوردیفنی بیلمدیکي بیان ایله مظنون علیه آپوستول افاده شفاهیه مقامنه قائم اولق اوزره برورقه ویرمه که قرائت ایتدیرلدی . مذکور ورقه یانیک میخانه سندنه اوطورمقدمه ایکن ورود ایدن آنسپاش نام کیمسه نک برآز آرام ایله کیمسنی معقب مرقوم یوان مرقومه اطاله لسان ایله برابر «کورجکسکر بن آکا نه یاه جف» دیدیکندن کوبده منازعه ظهوری منع ایچون مرقوم مرقومی قوللرندن طوتوب عیددر! دیو بیکنک اوزرینه افعاد ایتدکده مرقوم مرقوم بن شمدی سکا اوکره دیرم» دیه رک و قهوه خانه دن چقبوب خانه سنه کیدرک جفته تفنکی اخذ وانداخت ایله آنسزین کندوسنی جرح ایتدیکي وجریان وقعیه یانی ایله استاورینک کوردیکي میندر .

بوکافارشو مرقوم مظنونک خلاف واقع مقالانده بولیدیفنی سرد ایتدی .

بناء علیه ضابطه عدلیه تقریری ایله راپور دخی اوقوتدیرلدی . مذکور تقریرده یکی کوی یوقاری محله سندنه یایس اوغلی آپوستولک روولور ایله باشند جرح ایلدیکي بالاستخبار قریه مذکوریه کیدلکده کره میدجی یوان سکر حال اوله رق یانیک میخانه سندنه روولورینی انداخت ایلوب برمدت ده عسرت ایتدکدن صکره بن بوکون برآدم اولدیرجمک دیمکه میخانه ده بولنان یایس اوغلی آپوستولک عیدر بویه شی سوبله دیو تنبیه الیمی اوزرینه باق شمدی نصل تلف ایدرم دیه رک میخانه دن چقبوب کیتش ویر چارک صکره میخانه نک آرقه جهتسنده کی قوسی

طرفندن برال سلاح انداخت ایلدش وچقان مرقوم آپوستولی جرحیه دار ایتش ومقدجه آتیلان مرمیلر ایله صکره کیرلک یکدیگره مشابه اولدیفندن یوان طرفندن قتل قصدیه انداخت اولمش اولدیفنک آکلاشلیدیفنی اشعار وراپورده دخی آپوستول معاینه اولندقدنه باشنک صول طرفنده درهم صاجه سیله حصوله کلش ویرلرینه یقین اوج جرحه کوریلوب ووجرحهلردن اورته ده کی جرحه آلی ساتیمترو طولنده اولوب دخول ایدن صاجه نک کیکی صیرتیه رق ویدیکری بش ساتیمترو طولنده اولوب بورادن دخول ایدن صاجه کیکی یقین مرور ایدرک خروج ایتدیکری ویدیکری اوج ساتیمترو طولنده بولیدیفنی آکلا شلمستندن مذکور جرحهلر مجروحک آرقه سندن انداخت اولنان تفنک ویاخود طبایحه دن خروج ایدن صاجهلردن حصوله کلدیکي و مرقوم آپوستولک جرحه لرینک سقطلق برآقیدیفنی حالده اوتوز بش کونده التیام بولیدنی واجرت تدای اولان بش یوز غر وشک اخذ اولدیفنی ازار قلنمشدر .

قرائت اولسان اوراق مندرجاسته نه دیه چکی مرقوم صورلدقده کندوسی میخانه دروننده طبایحه سنی بوشالتمش ایسه ده میخانه نک طبشاریسندن سلاح آتمدیفنی سرد ایلدی .

مدعی عمومیکسک مقامندن اعطا اولنان وقرائت ایدیلان شهود بوجه سندنه اسامیسی محرر اولوب دعوت واقعه یی ورود ایتدیکری خبر ویریلان شاهدلر برر بر حضور محکمه به چیقارلهرق طرفینه عداوت وقرابت ومناسبتلری اولدیفنی آکلاشلدقدن واصلی وجهله تحلیقلری اجرا قلندقدن صکره منفرداً ومواجهه استماع اولندقدن بولاردن شیه ده یکی کوی یوقاری محله سندنه مرقوم یکری اوج باشند دکرمانجی بنایوط نام دیکر بانچو ولد نیقولی یانیک میخانه سندنه اوطورمقدمه ایکن یوان ده کلدیکي ویرمدت صکره آنسپاش کلوب برراقی ایتدکدن صکره یوان آنسپاشه سوکمه که آپوستول نه سوکورسک عیب دگی دیدیکنده یوان ده آکا سندنی صوریلوردیمکه آپوستول یوانه برتوقات اوردیفنده یوان ده شمدی کوررسکر دیه رک میخانه دن چقبوب کیتدکدن برمدت صکره قهوه نک طبشاریسندن برسلاح باطلادیفنی و آپوستولک اورلدم دیو بره دوشدیکي وتفنکی آتان شخصی کورمدیکي یاد ولدی السوال یوانک قهوه خانه دروننده ده سلاح آتدیفنی فقط کیمسه یی اصابت ایتدیکي وشهادتی حضور محکمه ده کی یانی و آپوستول حقتنه ایدوکنی ایراد ایلدی .

(مابعدی کله جک نسخیه)

بورغاز اطه سندنه کی خانه سنی سیغورطیه وضع ایدرک بدلدن استفاده ایتک املیه احراقه تصدی ایتدیکي اداسیله مرقوم بولنان یوردانکی وخدمتجیسی دیمستونی حقارنده اجرا قتلان محاکمه نتیجه سندنه مرقومانک فعل مذکور مجامعرتلری آکلاشیه مدیفندن برائتیه ۱۸ مارت سنه ۳۲۰ تاریخنده محکمه جنا تیه قرار ویرلشدر .

ایتالیا دولتی تبعه سندن ملتیا دینک زوجیه سنی ضرب ایتدیکي ثابت اوله مدیفندن برائته قاضی کوبنده ساکن دولکر طایوس قلفه نک دانیاله اطاله لسان ایلدیکي ثابت اوله مدیفندن برائته چسکل کوبنده ساکن صندالجی وایزمه جی نافذک قهوه جی آرینک اچقه سنی سرت ایتدیکي ثابت اوله مدیفندن برائته دیمترینک قوجوی ضرب ایتدیکي ثابت اوله مدیفندن برائته قوزغنجقده ساکن نیقولی بالاسک ژوزف مجارک اچقه سنی طولاندیردیفنی ثابت اوله مدیفندن برائته مکتبی شکری افندی ایله حدینک محمدی ضرب ایلدیکری ثابت اوله مدیفندن برائتیه

قوزغنجقده ساکن نیقولی بالاسک ژوزف مجارک اچقه سنی طولاندیردیفنی ثابت اوله مدیفندن برائته مکتبی شکری افندی ایله حدینک محمدی ضرب ایلدیکری ثابت اوله مدیفندن برائتیه قوزغنجی عثمانک تحسین افندینک ساعتی سرت ایلدیکي آکلاشیه مدیفندن برائته بلاصلاحیت صفت رسمیه ده بولیدیفنی ثابت او له میان مکتب طلبه سندن نجاتی افندینک برائته

پترونی ضرب ایدن قاضی کوبنده ساکن برر دیمترینک برهفته حبسنه اسماعیل نام چوچنی جرح ایدن ارن کوبلی پهلوان اوغلی شهبانک صغر سنی حبسیله قرقچی ماده قانونیه توفیقاً ولیدنه تسلیمه

عبدالقادرک قصاب چراغی دیمتری جرح ایلدیکي ثابت اولدیفندن آلی آی حبسنه حطب تیارندن علی افندینک اوج چکی حطینی سرت ایدن بارکیر سورجیسی مصطفانک برماه حبسنه روخی ضرب ایدن سلامسزده دولکر اوینک برهفته حبسنه

خدیجیهی ضرب وجرح ایدن اسکدارده یکی چشمه ده ساکن علیدن برمجیدیه آتونی آلتهرق مضروبیه ویرلنه صولاق سنان محله سندنه ساکن قصاب حسین وخدیجه وشریفه نک یکدیگرینی ضرب ایلدیکری ثابت اولدیفندن برهفته حبسنه قصاب حسینک حق دخولی اولدیفنی حالده زهرا

خاتمک خانه سنه کیردیکي ثابت اولدیفندن مرقومدن اون بشلاک جزای نقدی آلمسنه اسکدارده قسام چشمه سندنه ساکن چوبان مصطفی نک کال بک قوچی سرت ایلدیکي ثابت اولدیفندن برآی حبسنه بلبل دره سندنه ساکن هدایت افندینک پولیس مصطفی افندینک وفاتنه سببت ویردیکي ثابت اولدیفندن آلی آی حبسنه

بکربکنده ساکن صوچی فیض اه ایله یوسفک مضاربیه ایلدیکری ثابت اولدیفندن برهفته حبسنه آرابه جی عبداللهی ضرب ایدن سورجی اسماعیلک برهفته حبسنه

مورده های ضرب ایدن آینه لی قواقدنه ساکن رفانلک برهفته حبسنه طویخانه ده ساکن لوستره جی احمد ایله محمودک یکدیگرینی ضرب ایلدیکری ثابت اولدیفندن برر هفته حبسنه

یوز باشی رشیدی بکه اطاله لسان ایله جرح ایلدیکي ثابت اولان قوری چشمه بازار قاینی رئیس احمدک یکری کون مدته حبسنه ایتالیالی قاتنیه اطاله لسان ایدن میکده جی میخائیلیدیسک اوج کون حبسنه

عزتی ضرب ایلدیکي ثابت اولان خالیجی اوغلنده ساکن احمددن برلیرا آلتهرق مضروبیه اعطاسنه علی بی ضرب ایدن قاسم پاشاده زنجیری قیوده ترکچی اصافندن تحسیندن برلیرا آلتهرق مضروبیه اعطاسنه

یکدیگرینی ضرب ایلدیکری ثابت اولان باشوايله حسنک برهفته حبسنه زاندارمه محمدک یعقوب افندی ضرب ایلدیکي ثابت اولدیفندن برهفته حبسنه مجارده ساکن خامسولنه داویدک یکدیگرینی ضرب ایلدیکری ثابت اولدیفندن برهفته حبسنه

طاطاواوله ده ساکن حاجی ابراهیم بن شریفک خرسستونی ضرب ایتدیکي ثابت اولدیفندن برهفته حبسنه خلاف تنبیه اوزرنده سلاح طاشیدیفنی تبین ایدن غلطه ده ساکن قهرماندن بش بشلاک جزای نقدی اخذیه

قزل طبراقده مرقوم سامی افندی ضرب ایدن غلطه ده ساکن بالقجی سحاکک برهفته حبسنه نمرناس اولان محللرده بارکیر قوشدیرمقله برابر اجرای مأموریت حالده پولیس چاوشی محمدافندی ضرب ایلدیکي تبین ایدن فری قریه سندنه ماندره اوشاغی احمدک یدی آی حبسنه

یایس کورپرسنده ساکن صوفیلو ایله دوره نک یکدیگرینی ضرب وجرح ایتدیکری ثابت اولدیفندن برهفته حبسنه ویرمورده صوفیلو به اطاله لسانده بولنان لوقساندیردن دخی یارم ایرا جزای نقدی اخذیه

خدمتکار طناشی قواقدنه ضرب ایتدیکي اقرار مضبوطیه تبین ایدن مسعود بکدن برلیرا آلنوب مضروبیه اعطاسنه

اجرای مأموریت حالنده پولیس حاجی احمد افندی ضرب و خقیق ایتدیکي ثابت اولان باروتخانه عامرده مستخدم ملازم اول عزیز افندینک الی آی اون کون مدته حبسنه

لیای ضرب وجرح ایدن خاصکوبده آرابه جیلرده مقیم نسیمک اون کون حبسنه محله آرسنده طبایحه آتدیفنی مرتبه ثبوته واصل اولان عرب جامعشریفی جوارنده ترزی چراغی یورکینک یکری درت ساعت حبسیله برابر کندوسندن بش بشلاک جزای نقدی اخذیه

محله آرسنده سلاح انداخت ایلدیکي ادا قتلان غلطه ده صباحجی قهوه سندنه بیتوت ایدن قوچونک یکری درت ساعت حبسنه و مرقومدن بش بشلاک جزای نقدی اخذیه

خلیلک محمدی ضرب وجرح ایتدیکي ثابت اولدیفندن اون کون حبسنه

قوچونک حسنی ضرب ایتدیکي ثابت اولدیفندن بریحی ایرا آلنوب حسنه اعطاسنه

ستارک بالطوسی اخذ وسرت ایدن طاهرک اوج آی حبسنه

هاسیت ویدقران و حاجیکک مضاربیه ایتدیکری اخبارات ایله ثابت اولدیفندن دیقراک اون کون وهاسیت ایله حاجیکک برهفته حبسنه طلعت افندینک احسان صالح افندی اطاله لسانه برابر ضرب ایتدیکي ثابت اولدیفندن اون کون حبسنه

خایمک روسیلی قادی ضرب ایتدیکي ثابت اولدیفندن برآتون آلتهرق مضروبیه اعطاسنه

غلطه ده فرمه جیلرده فابریقه معونه جیسی دیمترینک قاش سرت ایتدیکي ثابت اولدیفندن اوج ماه حبسیله ختام مدتده ضابطه جه کفالته ربطنه

قسطنطیه اطاله لسان ایدن ماریدن برلیرا جزای نقدی اخذیه

لئونی ضرب ایدن غلطه ده قهوه جی یورکینک برهفته حبسنه

بحریه لی خلیل چاوشک حاجی اسماعیلی ضرب ایلدیکي ثابت اولدیفندن اون بش کون حبسنه

فردوس خانمك فاطمه خانمه اطاله لسان ايتديكي ثابت اولديغندن مزبورده دن يارم آلتون جزای نقدی اخذينه

خليل افندی ايله زنجيه ناجيه نك يكدیكری ضرب و ناجيه نك مومی اليه اطاله لسان ایلدیكى اكلاشلدیغندن مزبورده نك اطاله لسانه جرأتی سبب شدت طوتيله رق اون کون و خلیل افندیك برهفته حبسلرینه

قزل طور اقدده ساكن مكتب خدمه سندن حق و آراهه جی محمدك يكدیكری ضرب ایتدیكری اكلا- شلدیغندن برهفته حبسلرینه

برکیلو بشیوز سكسان غرام توتون قاچردیكى ثابت اولان ارن قریه لی حسیندن یتش غروش جزای نقدینك تحصيله

ولينك صادقی ضرب ایتدیكى اقراريله ثابت اولدیغندن کنديسندن برلیرا آلتورق مضروب ویرلمسه درسعات ، بك اوغلی واسکدار بدایت محکمه لری جزا دائره لرینجه قرار ویرلمشدر .

مُجَازَاتُ اِتْدِيَا هِيَه

بارطین قضای بدایت محکمه سی اعضای سابقه سندن احمد افندیك اسباب قانونیه دن ناشی اجرای محاکمه سنه عدليه نظارت جلیله سندن مأذونیت ویريله رك کیفیت قسطمونی ولایتی استیناف محکمه سی مدعی عمومیلکنه تبلیغ و انبا قلمشدر .

اِخْلَافَات

تجارت بحریه محکمه سنده :

مارپوشجیلرده بیوک عبود افندی خاننده کی یازی خانه سنده ساکن ایکن تجارت بحریه محکمه سندن افلاسنه حکم اولنش اولان قومیسونجی موسی کاظم افندیك خصوصات افلاسیه سنك رؤیت وتسویه سی ضمنتده دعوی وکیللرندن آورام نعوم افندی اصالة سنديك تعیین قلمش اولدیغندن مفلس مرقوم ذمتنده آلاجنی اولانلرك قانوننامه تجارتك ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی نیسانك یکریمی آلتنجی بازار ایرتسی، یکریمی یدنجی صالی و یکریمی سکزننجی چهارشنبه کونلری تجارت بحریه محکمه سنك افلاس اوطه سنه کلهرك سنديك افندی مواجهه سنده آلاجلرینی اثبات و قید

و تصدیق ایتدیمرلری ومدت مذکوره ده اثبات وجود ایده میان آلاجلولر حقنده قانون مذکورك ۲۱۰ نجی ماده سنه توفیقاً ایفای معامله اولنه جنی اعلان اولنور .

ایکنجی تجارت محکمه سنده :

غلطه ده بانق عثمانی قارشوسنده کی مغازه ده اجرای تجارت ایدن نیقو نیقولویلو و شرکاسنك ۵ نیسان سنه ۳۲۰ تاریخندن اعتباراً اعلان افلاسنه و مصالح افلا- سیه نك رؤیت وتسویه سی ضمنتده اعضای محکمه دن عزتلو یاقو افندیك ژوز قومیسر ودعوی وکیللرندن محمد قوسی و ماناس افندیك موقت سنديك تعیینلرینه و مغازه لری دروننده بولان اموال و اشیای زائده بیتیه لرینك تمهیرینه و اوراق و دفاترینك جلبه و کفالت ارا نه ایده مدکری حالده حبس و توقیفلرینه و بوبایده کی قرارك موقه اجراسنه ایکنجی تجارت محکمه سندن قرار ویرلمش اولدیغندن قانوننامه تجارتك ۱۷۰ نجی ماده سی موجبجه دائمی سنديککرا انتخاب اولنق اوزره شهر حالك یکرمنجی صالی کونی ساعت الی راده لرنده اصحاب مطلوبك محکمه مذکوره نك افلاس اوطه سنه کلری اعلان اولنور .

درسعات تجارت محکمه سی اجرا دائره سنده :

حسن افندیك ییقچی اصنافندن سلیمان اغا ذمتنده محکوم به آله جنی اولان بش بیک غروشك مع فاضل و مصارف محاکمه تأمین استیفا سیچون مدیون مرقومك وفاقربنده بورکچی فرونی اتصالده بولنان محجوز قوناق انقاضنك فروختی قرار آلتنه آلتش اولدیغندن بر موجب قرار مذکور انقاض تاریخ اعلاندن اعتباراً اوچ کون صکره یعنی نیسانك اون اوچنجی صالی کونی ساعت درتدن الی یه قدر محل مذکوره مأموری مواجهه سنده بالمزایده فروخت ایديله جکندن اشتراسنه طالب اولنلرك يوم و وقت مزبورده محل مذکوره حاضر بولنلری محکمه تجارت اجرا دائره سندن اعلان اولنور .

اعلومات نظامیه اجرا دائره سنده :

حسن تحسین بکک ضیا بك ذمتنده محکوم به آله جنی اولان مبالغت تأمین استیفا سیچون مدیون مومی الیهك عهده تصرفده اولوب حجز آلتنه آلتان قلندر خانه محله سنده شهزاده باشی جاده سنده واقع تخمیناً اوتوز آلتی آرشون عرصه اوزرینه منی شهری یوز غروش ایجار کتورر یکریمی درت نومرولی دکانك تمساحی بالمزایده عثمانی لیراسی یوز غروش حسابيله الی بیک غروشده طالبی عهده سنده تقرر

ایدرك موقتاً قرار داده سی کشیده قلمش اولدیغندن یوزده بش ضمیله طالب اولنلرك اوتوز برکون ظرفنده بی ایچه لريله برابر درسعات اعلانات نظامیه اجرا دائره سنه مراجعت ایللری ومدت مذکوره نك ختامنده قرار قطعیمی کشیده قلنرق ضم قبول ایدلیه جکی اعلان اولنور .

اسکدار بدایت محکمه سی اجرا دائره سنده :

مصطفی حامی بك ورنه سنك رقیه خانم ذمتنده بااعلام مع مصارف محاکمه الاجنی بولنان مبلغت تأمین استیفا سی ضمنتده حجز آلتنه آلتان درسعاتده چارشوی کیرده یاغلقجیلر جاده سنده برطرفی فاطمه رحیمه خانمك دکانی و دیگر طرفی اورجیلر حامی و طرف دیگر ی شمعدانجی اوغلی دکانی و طرف رابی طریق عام ايله محدود بلا کدك کارکی برقطعه دکان آلتی بیک غروشده وینه چارشوی کیرده قالدیجیلر باشنده برطرفی کتبه دن خالد بکک فسجی دکانی و دیگر طرفی بات بازاری حاجی حسن زقاعی و طرف رابی طریق عام ايله محدود بر باب دکان دروننده مستقر مع ملک خفاف کدکنک ربع حصه سی عندالمزایده لیرا یوز غروش حسابيله بش بیک غروشده طالبی عهده سنده تقرر ایدرك تاریخ اعلاندن اعتباراً برماه ختامنده قرار قطعیلری ویريله جکی جهته یوزده بش ضمیله زیاده طالب اولانلرك مدت مذکوره ظرفنده اسکدار بدایت محکمه سی اجرا دائره سنه مراجعت ایللری اعلان اولنور .

سلوری قضای بدایت محکمه سی اجرا دائره سنده :

چتالجه قصبه سنك اسلام محله سنده ساکنه نیازی خانمك سلوریل فائق افندی زاده محمد سعید افندی ذمتنده برقطعه اعلام نظامی موجبجه آله جنی اولان مبالغ معلومه نك تأمین استیفا سی ضمنتده محجوز اولوب فروختی قرارلشدریلان مدیون مومی الیهك متصرف اولدینی طاش کوپری جوارنده طرفلری آلتناق ترلاسی و دره وطنش افندی واقویران یولی ايله محدود قرق بش دوئم ویشه خراججی سنوزنده طرفلری احمد اغا و اسما خانم و خراججی چقنلکی ترلاسیله محدود سکسان دوئم ترلانك نصف حصه سنك تاریخ اعلاندن اعتباراً اون بش کون صکره بالمزایده فروخته تشبث اولنه جقندن طالب اولنلرك سلوری بدایت محکمه سی اجرا دائره سیله منادیسنه مراجعت ایللری اعلان اولنور .